

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška dijela sredstava utvrđenih u Razdjelu 17. Budžeta Federacije Bosne i Hercegovine za 2013. godinu Federalnom ministarstvu energije, rudarstva i industrije „Pozajmljivanje i učešće u dionicama – ostala domaća pozajmljivanja“, ("Službene novine Federacije BiH", br. 75/13 i 80/13), Federalno ministarstvo energije, rudarstva i industrije o b j a v l j u j e

**JAVNI OGLAS
ZA KANDIDOVANJE PROGRAMA UTROŠKA DIJELA SREDSTAVA
UTVRĐENIH U RAZDJELU 17. BUDŽETA FEDERACIJE BOSNE I
HERCEGOVINE ZA 2013. GODINU FEDERALNOM MINISTARSTVU ENERGIJE,
RUDARSTVA I INDUSTRIJE „POZAJMLJIVANJE I UČEŠĆE U DIONICAMA –
OSTALA DOMAĆA POZAJMLJIVANJA**

I. PREDMET POZIVA

Predmet poziva je prikupljanje programa za korištenje sredstava, u skladu sa Odlukom o usvajanju programa utroška dijela sredstava utvrđenih u Razdjelu 17. Budžeta Federacije Bosne i Hercegovine za 2013. godinu Federalnom ministarstvu energije, rudarstva i industrije „Pozajmljivanje i učešće u dionicama – Ostala domaća pozajmljivanja“ ("Službene novine Federacije BiH", br.75/13 i 80/13)(u daljem tekstu:Program).

II. PRAVO UČEŠĆA

Na osnovu Programa pozajmit će se sredstva sljedećim sektorima industrijske proizvodnje:

- Metalna, elektro i automobilska industrija,
- Građevinska industrija,
- Drvna i papirna industrija,
- Proizvodnja tekstila, kože i obuće,
- Hemijska industrija i industrija gume i plastike,
- Namjenska industrija i
- Prehrambena industrija.

III. SVRHA POZAJMLJIVANJA SREDSTAVA

MJERE:

1. Modernizacija tehnološkog procesa

Pozajmljivanje sredstava po ovoj Mjeri vrši se za podsticanje ulaganja u:

- Značajna poboljšanja i modernizaciju već postojećih proizvoda, proizvodnih procesa ili usluga s većom dodatnom vrijednosti,
- Nabavku novih tehnologija (mašina, postrojenja i opreme za proizvodnju, mjerni i kontrolni uređaji i dr.),
- Nabavku industrijskog znanja (know-how), posebnih znanja i vještina, informatičke opreme usmjerene ka proizvodnji i uvođenje validnog CE znaka,
- Značajnije aktivnosti na osnovu promjene sveukupnog proizvodnog procesa i stanja postojeće poslovne djelatnosti društva (reinženjering).

2. Pozajmljivanje za finansiranje uplate za PIO/MIO, sanaciju hipoteka, regulisanje socijalnog stanja i za očuvanje postojećih radnih mjesta

Pozajmljivanje po ovoj mjeri vrši se za:

- Izmirenje dugovanja privrednog društva za neuplaćene doprinose po osnovu PIO/MIO zaposlenicima koji su stekli uslove za odlazak u penziju, a istima nije plaćen radni staž,
- Sanaciju hipoteka gdje se za vrlo mali iznos prodaje imovina privrednog društva koja ima višestruku vrijednost,
- Za rješavanje socijalnog statusa zaposlenika, očuvanje postojećih radnih mjesta i ponovno pokretanje proizvodnje.

IV. SREDSTVA PREDVIĐENA ZA POZAJMLJIVANJE

Sredstva za provođenje Programa utroška sredstava utvrđenih u Razdjelu 17. obezbijeđena su u Budžetu Federacije Bosne i Hercegovine za 2013. godinu i realizovat će se putem Union Banke d.d. Sarajevo.

Navedena sredstva su kreditnog karaktera, sa odgodom plaćanja (grace periodom) do 12 mjeseci, kamatnom stopom u visini 0,9 % i naknadom za obradu kredita-jednokratno u visini 0,6%.

Dodijeljena sredstva korisnici vraćaju u minimalno 24 jednaka mjesečna anuiteta, a maksimalno u 60 anuiteta, što zavisi o visini dodijeljenih sredstava. Početak povrata kredita i dinamika, kao i drugi bitni elementi bit će definisani ugovorom.

Dodijeljena sredstva isključivo će se isplaćivati na račune korisnika kredita kod Union Banke d.d. Sarajevo, čime će se omogućiti i kontrola utroška dodijeljenih sredstava, osim ukoliko se radi o sredstvima iz Mjere 2 Programa i uz saglasnost Ministarstva, odnosno ukoliko je Federalno ministarstvo energije, rudarstva i industrije (u daljem tekstu: Ministarstvo) uvažilo okolnosti zbog kojih račun u Union Banci d.d. Sarajevo ne može biti otvoren.

Sredstva za provođenje Programa odobravati će se u sljedećoj visini novčanih sredstava, na način kako je to dato u Tablici broj 1., i to:

Tablica broj 1

| Redni broj | Visina dodijeljenih sredstava u KM | Odgoda plaćanja (grace period) u mjesecima do | Broj anuiteta vraćanja sredstava | Kolateral ¹ |
|------------|------------------------------------|---|----------------------------------|---------------------------------------|
| 1. | do 75.000,00 | 12 | 24 | - |
| 2. | 75.001,00 – 150.000,00 | 12 | 25 - 36 | Zalog na nekretnine i pokretne stvari |
| 3. | 150.001,00 – 225.000,00 | 12 | 37 - 48 | |
| 4. | 225.001,00 – 300.000,00 | 12 | 49 - 60 | |

¹ Pored mjenica

Vrijednost nekretnina koje se uzimaju kao kolateral mora biti minimalno 1,5:1 u odnosu na iznos kredita.

Ukoliko je namjena kredita nabavka pokretnih stvari, obavezno je da se iste zalažu, kao dodatni kolateral, bez obzira na ostale vrste kolaterala.

Moguće je zahtijevati kolateral i za iznose manje od 75.000 KM.

Broj anuiteta vraćanja sredstava određivat će se proporcionalno dobijenim sredstvima, u skladu sa podacima iz Tablice broj 1.

Maksimalni iznos novčanih sredstava i zahtjevi za kolateralom iz Tablice broj 1. ne odnosi se na privredna društva koja apliciraju za dodjelu kreditnih sredstva iz tačke 6. podtačka 2. Programa.

Privrednim društvima, koja blagovremeno vrše povrat dobijenih sredstava, Ministarstvo na njihov zahtjev može predložiti Vladi Federacije Bosne i Hercegovine donošenje odluke o oslobađanju povrata ostataka duga u iznosu od 20% od glavnice.

Budžetom Federacije Bosne i Hercegovine za 2013. godinu Ministarstvu je u Razdjelu 17., na poziciji „Pozajmljivanje i učešće u dionicama – Ostala domaća pozajmljivanja”, obezbijedeno ukupno sredstava u iznosu od 6.200.000,00 KM, koja će biti raspoređena Programom.

Sredstva su predviđena za provođenje Programa iz tačke 6., odnosno za Program podsticaja razvoja i jačanje konkurentnosti, u cjelokupnom iznosu.

Od cjelokupnog iznosa raspoloživih sredstava, za realizaciju Mjere 1. predviđeno je ukupno 5.200.000,00 KM, s tim da se raspodjela izvrši na način kako je to prikazano u Tablici broj 2., i to:

Tablica broj 2

| SEKTORI INDUSTRIJSKE PROIZVODNJE | PREDVIĐENA SREDSTAVA U KM |
|--|----------------------------------|
| Metalna, elektro i automobilska industrija | 1.000.000,00 |
| Građevinska industrija | 800.000,00 |
| Drvena i papirna industrija | 800.000,00 |
| Proizvodnja tekstila, kože i obuće | 1.100.000,00 |
| Hemijska industrija i industrija gume i plastike | 600.000,00 |
| Namjenska industrija | 700.000,00 |
| Prehrambena industrija | 200.000,00 |
| UKUPNO u KM | 5.200.000,00 |

Od cjelokupnog iznosa sredstava za realizaciju Mjere 2., predviđeno je ukupno **1.000.000,00 KM.**

V. PROVOĐENJE PROGRAMA

Potencijalni Korisnici kreditnih sredstava trebaju dostaviti sljedeću dokumentaciju:

- Rješenje o registraciji,
- Aktuelni izvod iz u sudskog registra (ne stariji od 30 dana),
- Statut i odluka/akt o osnivanju,

- Uvjerenje o poreznoj registraciji kod Porezne uprave – ID broj,
- Uvjerenje o registraciji obveznika poreza na dodatnu vrijednost – PDV broj,
- Obavještenje nadležnog zavoda za statistiku o razvrstavanju prema djelatnosti,
- Uvjerenja nadležne organizacione jedinice Porezne uprave/UINO da nema neizmirenih obaveza po osnovu javnih prihoda ili uvjerenja o stanju obaveza,
- Identifikacioni dokument osnivača,
- Lične karte i CIPS potvrde o prebivalištu lica ovlaštenih za zastupanje,
- Zvanični finansijski izvještaji za posljednje tri godine (ukoliko je privredno društvo osnovano u periodu koji je kraći od tri godine, dostaviti finansijske izvještaje za cjelokupni period poslovanja),
- Analitički bruto bilans na posljednji dan prethodnog mjeseca u odnosu na dan podnošenja zahtjeva za kredit*,
- Pregled potraživanja od kupaca na posljednji dan prethodnog mjeseca u odnosu na dan podnošenja zahtjeva za kredit*,
- Pregled obaveza prema dobavljačima na posljednji dan prethodnog mjeseca u odnosu na dan podnošenja zahtjeva za kredit*,
- Dokumentacija u vezi sa imovinom koja se nudi kao obezbjeđenje kredita: procjena sudskog vještaka (ne starija od šest mjeseci) i ZK izvadak (ne stariji od 30 dana),
- Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 40 zaposlenika),
- Ostala dokumentacija u skladu sa zahtjevima Banke i/ili Ministarstva, kao i dokumenti za koje klijent smatra da su interesantni za Banku.

Dokumentacija na obrascima Banke:

- Zahtjev za kredit,
- Karton deponovanih potpisa,
- Popunjen upitnik o povezanim licima,
- Saglasnost za pristup podacima iz centralnog registra kredita,
- Izjava ovlaštenog lica o nepostojanju računa nad kojim je određena mjera zabrane raspolaganja novčanim sredstvima,
- Pregled postojećih kreditnih obaveza sa informacijama o namjeni i obezbjeđenju*,
- Poslovni plan koji uključuje i plan investiranja sa efektima utroška sredstava.

Svi traženi dokumenti trebaju biti originali ili ovjerene kopije ne starije od 30 dana od dana podnošenja kreditnog zahtjeva.

NAPOMENA: Privredna društva koja apliciraju za dodjelu kreditnih sredstava iz tačke 6. podtačka 2. ovog Programa, dužna su uz navedenu dokumentaciju dostaviti odgovarajuće priloge iz kojih je vidljivo za koje će se namjene utrošiti sredstva, uz adekvatno obrazloženje, te nisu obavezna dostaviti dokumentaciju označenu sa *.

Zahtjevi za kreditna sredstva veći od maksimalnog predviđenog iznosa iz Tablice br.1 po Javnom pozivu, smatrati će se formalno neispravnim i neće se uzeti u razmatranje (osim za Mjeru 2).

VI. KANDIDOVANJE PROGRAMA

Pismeni zahtjev za kredit sa potrebnom dokumentacijom po Javnom oglasu, uvezan i poredan po tačkama Javnog oglasa, podnosi se Ministarstvu na memorandumu društva, potpisan od strane ovlaštenog lica, sa preciznom namjenom sredstava kredita, iznosom i rokovima otplate kredita, te sa naznakom iz kojeg se industrijskog sektora traže sredstva (Metalna, elektro i automobilska industrija; Građevinska industrija; Drvena i papirna industrija; Proizvodnja tekstila, kože i obuće; Hemijska industrija i industrije gume i plastike, Namjenska industrija ili Prehrambena industrija).

VII. PRIPREMA

Podnosilac zahtjeva snosi sve troškove u vezi pripreme i kandidovanja njihovih programa.

Podnosilac zahtjeva dokumentaciju dostavlja na sljedeću adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar.

Podnosilac zahtjeva dokumentaciju dostavlja u neprovidnoj koverti, sa pečatom i potpisom ponuđača, imenom i adresom ponuđača, na kojoj će jasno pisati „Kandidovanje programa za korištenje dijela sredstava utvrđenih u Razdjelu 17. Budžeta Federacije Bosne i Hercegovine za 2013. godinu Federalnom ministarstvu energije, rudarstva i industrije „Pozajmljivanje i učešće u dionicama – ostala domaća pozajmljivanja - ne otvarati.“

Podnosilac zahtjeva može izmijeniti ili povući svoj zahtjev prije isteka roka za dostavljanje zahtjeva, a Federalno ministarstvo energije, rudarstva i industrije mora o tome biti obaviješteno u pisanoj formi prije isteka roka za podnošenje zahtjeva. Izmjena ili povlačenje ponude mora biti izvršeno u skladu sa ovom tačkom.

Osim toga, na koverti u kojoj se nalazi obavještenje o izmjeni ili povlačenju zahtjeva ponuđača treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Ovaj oglas ostaje otvoren trideset dana (30) od dana posljednjeg javnog objavljivanja i objavit će se u “Službenim novinama Federacije BiH” i dnevnim novinama “Oslobođenje” i “Dnevni list”.

Nepotpune i neblagovremene prijave neće biti uzete u razmatranje.

Detaljnije podatke i informacije, vezano za Program utroška sredstava utvrđenih u Razdjelu 17. Budžeta Federacije Bosne i Hercegovine za 2013. godinu Federalnom ministarstvu energije, rudarstva i industrije „Pozajmljivanje i učešće u dionicama – ostala domaća pozajmljivanja“, vidjeti na službenoj web stranici Federalnog ministarstva energije, rudarstva i industrije www.fmeri.gov.ba.